



Innkalling for Formannskapet i Radøy

Møtedato: 12.03.2019
Møtestad: Kommunestyresalen
Møtetid: 16.00

Saksliste:

Saksnr	Tittel
005/2019	Plansak 12602016000100 - Kommunedelplan for Bø - avklaring framdrift
006/2019	Justering av selskapsavtale og stiftingsdokument for Bergen og Omland Havn IKS
007/2019	Meldingar og referatsaker

Den som har lovleg forfall eller er ugild i nokon av sakene må melda i frå til kultur- og sørvistorget så snart som råd, tlf 56 34 90 00. Varamedlemmer møter etter nærare innkalling.

12. mars 2019

Jon Askeland
møteleiar

Arthur Kleiveland
utvalssekretær

Radøy kommune

Saksframlegg

Saknr	Utval	Type	Dato
005/2019	Formannskapet i Radøy	PS	12.03.2019

Sakshandsamar	Arkivsaknr.:	Dokumentnr.:
Silje Haukedal	16/162	19/3849

Plansak 12602016000100 - Kommunedelplan for Bø - avklaring framdrift

Saksopplysingar:

Bakgrunn

Det er vedteke at det skal utarbeidast ein kommunedelplan for Bø. Planen har undervegs endra karakter frå områderegulering til ein kommunedelplan (KPD).

Framlegg til kommunedelplan vart utarbeidd og lagt ut til offentleg høyring og ettersyn i tida 06.11.17 til 27.12.17.

Det kom inn mange merknader til planframlegget, i alt 33, medrekna eit samla innspel frå ei større gruppe innbyggjarar. Statens Vegvesen og Hordaland Fylkeskommune har kome med motsegn til planforslaget.

Planavdelinga har vore i møte med Fylkesmannen i Hordaland og Statens Vegvesen, der utfordringane omkring planframlegget og motsegna vart diskutert.

KPD Bø har vore ei prioritert oppgåve, men har vore sett på vent ein periode for å prioritere arbeid med revisjon av kommuneplanen for Radøy.

Framdrift vidare

På grunn av langtidsjukemeldingar på planavdelinga har Radøy fått bistand av Kristin Nåmdal i Meland kommune (Tenesteleiar for Plan og analyse i Alver kommune) for vidare arbeid med planen.

Det har kome følgjande motsegn til planframlegget:

- Fylkeskommunen knyt motsegn opp mot kulturminne og særskild til plankrav. Dei vil ha større grad av plankrav for å sikre at undersøkingsplikta i høve til kulturminnelova § 9 vert fylgt opp. Dette er ei motsegn som kommunen må innrette seg etter dersom det skal vere mogleg å få

planen igjennom.

- Fylkeskommunen har også motsegn til at bustadområde B04 er så tett opp mot kyrkje og gravplass. Dette kan løysast ved at det arealet som ligg nærast kyrkja blir teke tilbake til LNF og heller blir erstatta ved at eit areal lenger sør-vest blir bustadareal.
- Statens Vegvesen vil ha strengare rekkefølgekrav i høve til trygg skuleveg frå nye bustadområde. Dei har også motsegn knytt opp mot byggjegrænse langs fylkesvegen, dei krev at denne skal vere 30 m. Her må arbeidet vidare vurdere om dette er noko som kan forhandlast vekk.

Det er kome inn mange private innspel frå innbyggjarar og grunneigarar i området. Dette viser stort engasjement for utvikling av planområdet. Akstadneset fellesskap har mange merknader og er ei stor gruppe som ynskjer at eit større område skal inn i planen.

På grunn av motsegna må det gjerast ein del endringar for at det skal vere mogleg å få planen godkjent. Endringane som må gjerast går i stor grad på å utvide områda med plankrav. Dette inneber at planen i liten grad vil heimle direkte utbygging, men vil vere eit overordna styringsverktøy for vidare planlegging på lik linje med kommuneplanen. Ein får dermed i stor grad ikkje noko meir enn det kommuneplanen vil gje.

I samband med at kommuneplanen for Radøy er til revidering vil det vere mogleg å inkorporere planforslaget i kommuneplanen, der det blir tatt omsyn til dei motsegna som allereie ligg. Ved å velje denne løysinga vil Radøy få ein overordna arealplan som dekker heile kommunen. I eit planfagleg perspektiv er dette den beste løysinga.

Rådmannen ber om avklaring på korleis ein skal halde fram med arbeidet med kommunedelplanen på Bø.

Rådmannen sitt framlegg til vedtak:

Radøy kommune

Saksframlegg

Saknr	Utval	Type	Dato
006/2019	Formannskapet i Radøy	PS	12.03.2019
005/2019	Kommunestyret i Radøy	PS	12.03.2019

Sakshandsamar	Arkivsaknr.:	Dokumentnr.:
	16/2147	19/3730

Justering av selskapsavtale og stiftingsdokument for Bergen og Omland Havn IKS

Saksopplysingar:

Bakgrunn

Kommunestyret i Radøy handsama i møte 26. oktober 2017 sak om etablering av interkommunalt selskap (IKS) for den lovpålagde delen av hamneverksemda.

Kommunestyret gjorde følgjande vedtak i sak 049/2017 – pkt 1:

Radøy kommune godkjenner at det vert etablert eit interkommunalt selskap, Bergen og Omland Havn IKS (BOH IKS), for å ivareta kommunen sine lovpålagte myndigheitsoppgåver, jf. hamne- og farvassloven § 10, saman med dei andre kommunane i hamnesamarbeidet i dagens BOH og BOH AS.

I påvente av nødvendige avklaringar, mellom anna knytt til fordeling av hamne- og bykassekapitalen i Bergen kommune, har overføring av hamneverksemda frå BOH til Bergen og Omland Havn AS (BOH AS) og BOH IKS så langt vore sett på vent.

No har bystyret i Bergen i sak 29/19 mellom anna gjort følgjande vedtak:

«1. Bergen kommune gir sin tilslutning til havnerådets vedtak fra 7.12.2018 om overføring av havnevirkksomheten fra BOH til BOH AS. Dette er for øvrig i overensstemmelse med byrådets anbefaling og nærmere vurderinger i saken.»

I forkant av stiftingsmøtet for BOH IKS har leiinga i dagens BOH mellom anna gjort framlegg om å endra namnet på dette IKS-et til «*Bergen og Omland Farvannsforvaltning IKS*» (BOF IKS). Dette er gjort for å markera eit meir tydeleg skilje mellom det selskapet som skal ivareta samarbeidskommunane sine lovpålagde myndigheitsoppgåver knytt til hamne- og farvannslova, og den øvrige hamneverksemda som skal overførast til BOH AS.

Det vart vidare gjort framlegg om å justera formålsparagrafen, samt gje det nye IKS-et lov til å ta opp lån for å finansiera eventuelle anleggsmidlar knytt til den operative delen av farvanns-forvaltninga.

Bakgrunnen for ovannemnde endringsforslag er nærmare omtalt i vedlagte notat frå BOH, datert 21.02.2019.

I nemnde møte vart deltakarane einige om å ikkje gjennomføra den formelle stiftinga av selskapet før det er gjennomført ei ny politisk behandling av oppdatert selskapsavtale og stiftingsdokument for BOF IKS (tidligere BOH IKS), først og fremst med bakgrunn i den nye § 10, nemleg tilgang for selskapet til å kunne ta opp lån.

Følgjande paragrafar i selskapsavtalen og stiftingsdokumentet blir føreslege endra, jf. også vedlagte utkast:

§ 1 – Firmanavn

Frå:

«Selskapets firmanavn er Bergen og Omland Havn IKS («Selskapet»)»

Til:

«Selskapets firmanavn er Bergen og Omland Farvannsforvaltning IKS («Selskapet»)»

§ 3 – Selskapets virksomhet

Frå:

«Selskapet skal på grunnlag av delegasjon fra kommuner som er deltakere ivareta og samordne de havneoppgavene som gjelder offentlig myndighetsutøvelse i deltaker-kommunenes havnefarvann.»

Til:

«Selskapet skal på grunnlag av delegasjon fra deltakerkommunene ivareta og samordne de lovpålagte oppgavene, og utøve kommunenes myndighet etter havne- og farvannsloven og bestemmelser gitt i medhold av denne.»

§ 10 - Lån

Ny paragraf:

«Selskapet kan ta opp lån. Grensen for samlet låneopptak er NOK 15 millioner.»

Vurdering:

Rådmannen ser endringsforslaga i selskapsavtalen og stiftingsdokumentet for BOH IKS/BOF IKS som formålstenlege. Endringane vil bl.a. tydeleggjera selskapet si oppgåveportefølje sett opp mot den øvrige hamneverksemda, som skal utførast gjennom BOH AS.

Saka vert lagt fram til politisk handsaming av oppdatert selskapsavtale og stiftingsdokument for BOH IKS/BOF IKS, i samsvar med avgjerd som vart gjort på stiftingsmøtet.

Rådmannen sitt framlegg til vedtak:

Kommunestyret vedtek dei føreslegne endringane i selskapsavtalen og stiftingsdokumentet §§1, 3 og 10, herunder at namnet på BOH IKS blir endra til Bergen og Omland Farvannsforvaltning IKS (BOF IKS), og at selskapet får høve til å ta opp lån på inntil 15 mill. kroner.

Vedlegg:

Selskapsavtale for Bergen og Omland Farvannsforvaltning IKS

Stiftelsesdokument for Bergen og Omland Farvannsforvaltning IKS

Radøy kommune

Saksframlegg

Saknr	Utval	Type	Dato
007/2019	Formannskapet i Radøy	PS	12.03.2019

Sakshandsamar	Arkivsaknr.:	Dokumentnr.:
Arthur Kleiveland	19/507	19/3128

Meldingar og referatsaker

Saksopplysingar:

Det vert lagt fram følgjande meldingar og referatsaker:

- a. Pasient- og brukarombodet i Hordaland – årsmelding 2018
- b. Regionrådet Nordhordland – protokoll møte 25. januar
- c. Skjønnsmidlar til fornyings- og innovasjonsprosjekt i kommunane – presentasjon regionrådet
- d. Equinor og nye energiløysingar – presentasjon i regionrådet
- e. Bortfall av fritak for nullutslepps-køyretøy - presentasjon i regionrådet
- f. Høyring – forslag til ny forskrift med miljøkrav til drosjenæringa i Hordaland – Hordaland fylkeskommune
- g. Miljøkrav til drosjenæringa i Hordaland - utgreiing og forslag til ny forskrift
- h. NGIR - inndrivning av ikkje betalt renovasjonsavgift
- i. NGIR – møteutskrift styremøte 21.01.2019
- j. Orientering ved rådmann og ordførar

Rådmannen sitt framlegg til vedtak:

Meldingar og referatsaker vert tekne til orientering

Vedlegg:

Årsmelding pasient- og brukarombodet HO 2018

Protokoll Regionrådet 1-2019, 25. januar

Skjønnsmidlar til fornyings-og innovasjonsprosjekt i kommunane - presentasjon regionrådet

Equinor og nye energiløysingar - presentasjon i regionrådet

Bortfall av fritak for nullutsleppskøyretøy Nordhordlandspakken - presentasjon regionrådet

Høyring - forslag til ny forskrift med miljøkrav til drosjenær (L)(280587)

Miljøkrav til drosjenæringa i Hordaland (L)(280588)

NGIR_ inndrivning av ikkje betalt renovasjonsavgift

NGIR_ Møteutskrift styremøte 21.01.19 signert

Fellesnemnd møtebok 28.01.2019